

دارالفنون

حقوق فایز و لایحه محمد قاسم

حقوق ، اقتصادیات

ایکی آبدہ بر نشر اولنور

مندرجات

قسم حقوقی :

اسو مجرہ قانون مدیسنہ نظراً اجارہ حاجی عادل
حق مدافعہ و اصول استنطاق طاہر
آلمان قانون مدیسنہ کورہ وراثت جودت فرید
فرانسدہ شورای دولت وصفی راشد

قسم اقتصادی :

عثمانی بانکہ سی ابراہیم فاضل
دیون عمومیہ یوکنک تخفیفی چارہ لری عینی زادہ حسن تحسین

— مانیبول — یکی مطبعہ

۱۹۲۶

آلمان قانون مدنیسنه کوره وراثت

مقدمه

آلمان حقوق خصوصیه سنک توحیدی ایچون ۱۷ نجی عصردن اعتباراً آلمانیا ده حقوق شناسان مناقشات قلمیه به باشلامش و بونلرک محصول مساعیسی اوله رق ۱۷۹۴ ده پروسیا حقوق مدنییه سی ۱۸۱۱ ده اوستریا ۱۷۵۶ ده باویرا قانون مدنیلری وجود بولشد. بالخاصه فرانسیز استخلاصی محاربه لرندن صکره طوغان وطنی حس و دوینغورله قوانین خصوصیه نك توحیدی امللری ده بیوک بر جریان آلمش وایلك دفعه اوله رق پولیچهر حقنده ۱۸۴۷ ده نشر اولنان قانون ومؤخرأ تجارت قانونی حقوق خصوصیه نك توحیدینه دائر اولان امللرک پیشداری اولمشد.

ورسایده آلمان ایمپراطورلغنک تمللری آتلدقدن و آلمان قانون اساسیسی وجوده کلد کدن صکره قانون مدینک تنظیمی ایچون بوندسرات مجلسنک عدلیه انجمنی ؛ وجوده کتیریله جک قانون مدینک پلانسی تنظیم و قانون مدنی ده تعقیب ایدیله جک اصولی ترتیب ایتمک اوزره تکلیفانده بولمق و لایحه اساسیه یی احضار ایتمک اوزره آلمانیا نك ال بنام حقوق شناساندن مرکب برهیئت مأمور ایتمشد.

اشبو برنجی قومیسون بش آیلق متمادی بر سعیدن صکره قانون مدینک احتوا ایتسی ایجاب ایدن مباحثی و بونده رعایت اولنسی مقتضی کوریلن اصوللری و حقوق موجوده ایله مختلف تکلیفانندن اخذ و اقتباس اولنه جق احکامی و قانونک تنظیمی صره سنده اساس اعتباریله رعایتی ضروری قواعدی تعیین واکمال وظیفه ایتدیکنه دائر اولان راپورینی تودیع ایتمشد.

بوندسرات مجلسنک عدلیه انجمنی اشبو راپور اوزرینه تدقیقانده بولنش و راپوری تأییداً ویردیکی قراریله کیفیتی هیئت عمومیه به عرض ایتمش و بوندسرات مجلسنک هیئت عمومیه سی مملکتک نظری و عملی حقوق مدنییه متخصصلرندن اون برکشیدن مرکب اوله رق

قانون مدنی آوان پروژہ سی وجودہ کتیره جک برنجی قومیسونی انتخاب و تعیین ایتشدرد .
 قومیسون ۱۸۷۴ سنه سی ایلولنده ایفای وظیفه یه ابتدار ایتشدرد .
 قومیسون شمدی یه قدر موجود قوانیندن هیچ برنجی کندینه نمونه و مشق اتخاذ
 ایتماش بلکه برنجی قومیسونک قبول ایتدیکی اصول دائره سنده قانون مدنی یی منطقی
 برشکلده بش یوک قسمه تقسیم و هر بر قسمی اعضادن برینه تودیع ایدره ک اسباب موجبہ سی
 دخی برلکده اولدینی حالده احضاره مأمور ایتشدرد .
 اشبو قانونک احضاری آلتی سنه دوام ایتشدرد .

قومیسون هر سنه بر ایکی آی وجودہ کتیریلہ جک احکام حقندہ قرار اتخاذ ایتک
 اوزره طوبالانمش و ۱۸۸۱ تشرین اولنده احضار ایدیلن احکامی تدقیق ایلک اوزره
 منظمأ اجتماعه باشلامشدر . قومیسون ۱۸۸۷ ایلول نہایتندہ مساعیسی ختامہ ایردیرمش
 و وجودہ کتیردیکی پروژہ یی ۱۱ سنه ک مساعیدن صکرہ باش و کیله تودیع ایدہ بیلمشدر .
 قانون لایحه ابتدائیه سی ۱۸۸۸ تاریخندہ اسباب موجبہ و مذاکرات ضبطلریله برلکده
 موقع انتشاره وضع اولمش و حقوقشناسان و حکامک نظر تنقیدینه عرض اولونمشدر .
 ۱۸۹۰ تاریخندہ ۲۲ کشیدن مرکب ایکنجی بر قومیسون تشکیل اولمش و بونده
 حقوقشناس و حکام ایله برابر زراعت ، تجارت ، صنایع اربابندن متخصص ذواتده داخل
 بولنمشدر .

اشبو قومیسون عمومی اجتماعلر عقد ایدره ک ماده ماده برنجی پروژدی تدقیق
 و مناقشہ ایتدیکی کی (تأمینات ، زوجین اموالک صورت اداره سی وارثلرک مسئولیتی)
 کی مهم مسائلده تالی قومیسونلر تشکیل ایدره ک لایحه ابتدائیه یی مهم تعدیلاته اوغراشمشدر .
 ۱۸۹۵ سنه سی تشرین اولی نہایتندہ قومیسون قانون مدنی یه عائد مساعیسی ختامہ ایردیر-
 مش و وجودہ کلن ایکنجی لایحه بوندسرات مجلسنه عرض اولمشدر عینی زمانده قانون
 مدینک تنظیم و ترتیبی دولایسیله تشکیل محاکم اصول محاکمات حقوقیه و افلاس قانونلرنده
 تعدیلی ایجاب ایدن احکامی ده احضار ایدره ک ۱۸۹۶ شباطندہ طاغلمشدر .

بوآرہ لقی بوندسرات مجلسنک عدلیہ انجمنی ۷ تشرین اول ۱۸۹۵ دن ۱۱ کانون اول
 ۱۸۹۵ تاریخندہ قدر تقریبأ ایکی آی منظمأ اجتماع ایله احضار اولنان پروژہ یی مذاکرہ
 و تدقیق ایتش و ۱۶ کانون ثانی ۱۸۹۶ تاریخندہ لایحه قانونیه یی قبول و تصویب ایدره ک

باش وکالته تودیع ایلمش و فرداسی ۱۷ کانون ثانی ۱۸۹۶ ده قانون لایحه سی رایخشتاغه بالذات باش وکیل طرفندن تودیع اولونمشدر .

مجلس ۳ - ۶ شباط ۱۸۹۶ تاریخی جلسهلرنده لایحه نك برنجی قرائتی یامش و (۲۱) کشیدن مرکب تشکیل ایتدیکی بر قومیسونه تودیع و بعض فصولی مذاکره ایتکسزین قبول ایتک اوزره صلاحیت کامله ایله ایفای وظیفه مذکور قومیسونی مأمور ایتمشدر . اشبو قومیسون ۵۳ جلسه عقد ایتمش و بالخاصه حق وراثت جمعیتلر حقوقی کی منازعه لی فصولده برائتلاف وجوده کتیره نك وظیفه سنی ختامه ایردیرمشدر .

لایحه نك رایخشتاغ مجلسنده ایکنجی قرائتی ۱۹ - ۲۷ حزیران جلسهلرنده وقوع بولمش و ۳۰ حزیران و برتموز جلسهلرنده ده اوچنجی قرائتی اکمال ایدیلهر نك ۲۷۰ موجوددن ۲۲۲ قبول ایله بوندسرات مجلسنه تکرار تودیع اولمش و بوندسرات مجلسنك قانون اساسی موجبجه تصویبی لاحق اولدقدن صکره ۱۸ اغستوس ۱۸۹۶ تاریخنده ایمپراطور نك تصدیقه اقران و ۲۵ اغستوس ۱۸۹۶ تاریخنده حکومتك جریده رسمییه ایله اعلان ایدیلهر نك قانون حالنه کیرمشدر .

قانون مدینك تعدیلی ؛

اولا اصول محاکمه حقوقیه ؛

ثانیاً تجارت و افلاس ؛

ثالثاً تشکیل محاکم و اصول محاکمات جزائییه ؛

رابعاً اموال غیر منقوله نك قیدی ؛

خامساً اجرای جبری .

سادساً قضای اختیاری حقنده کی قانونلرک تعدیلنی ده استلزام ایتمش و بو خصوصده کی قانونلرده ۱۰ مایس ۱۸۹۸ تاریخنده جریده رسمییه ایله اعلان ایدیلهر نك بالاده ذکر اولنان قانونلردن بشقه محامات قانونی انهارده سفائنك صورت تصرفی مسئولیت محدوده لی شرکتلر کی بش آلتی قانون قسمماً تعدیل و قسمماً ده یکی باشند وجوده کلشدر .

قانون مدینك تطبیقی تسهیل واشبو قانوننك احکام قانونیه سائره ایله مناسبتی تعیین و قانوننك وضعندن اولکی معاملات حقوقیه حقنده جریان ایده جك احکامی ارانه ایتک اوزره ۲۱۸ ماده دن عبارت وجوده کتیریلان « قانون مدنی نك مدخلی قانوننك » برنجی

ماده سنه کوره قانون مدنی ۳ سنه درت آی و ۷ کون صکره یعنی ۱ کانون اول ۱۹۰۰ تاریخنده موقع مرعیه گیرمشر .

تقریباً ۲۲ سنهده وجوده کتیریله بیلن آلمان قانون مدنیسی ۱۹ نجی عصرک لایموت قانون مدنیسی در .

آلمان قانون مدنیسی کندیسندن صکره وجوده کتیریلان اسویچره قانون مدنیسی کبی یکی قانونلره مهم تأثیر وجوده کتیرمش و واضع قانون بالخاصه اسویچره قانون مدنیسنک طوتدینی اساسانک خلافت اوله رق الک اوافق تفرعائی بیه حل و فصل ایتمشر . آلمان قانون مدنیسی بش کتابه منقسمدر .

برنجی کتاب احکام عمومیه بی احتوا ایدر . بونده اشخاص حقیقه و حکمیه ، معاملات حقوقیه ، اهلیت تصرف ، عقود ، رضا و موافقت ، حقک صورت استعمالی تأمینات اعطاسی موضوع بحث اولمشر .

ایکنجی کتاب مناسبات حقوقیه و ذمت دن باحذرکه بالعموم مقاولات و غیر مشروع اکتساب اموال ، تضمین ضرر مجبوریتلری بو کتابده تفصیل و ایضاح اولمشر .

اوچنجی کتاب حقوق عینیه رهن تأمینات و اراضی اوزرنده کی سائر حقوقدن ؛ دردننجی کتاب حقوق عائله ؛

بشنجی کتاب حقوق وراثت دن باحذر .

آلمان قانون مدنیسنک وراثت حقنده کی احکامی قانونک ۱۹۲۲ الی ۲۳۸۵ نجی ماده لرنده مسطور اولوب مواد مذکوردهده اول وراثته نائل اوله حق کیسه لرك درجه و صرهمی ، وارثلرك وضعیت حقوقیه لری وراثتک قبول و یاردی ترکه دن دولایی مسئولیت حقوقیه ترکه دن مطلوبات ادعا ایدن آله جقلولرك حق و وارثلرك مسئولیتنی تحدید ایده جک وضعیت ترکه به عائد اشیانک رد و اعاده سی وارثلرك یکدیگرینه قارشو اولان حقوق ووظائفی وارثلر ایله ترکه نك داینلری ارسنده کی حقوق و مناسبات ذکر ایدلرکدن صکره مابعدالموته مضاف اوله رق یاپیلان وصیت احکامی ۲۰۰ ماده اشغال ایتمکده و ۲۲۷ دن اعتباراً ینه مورثک حین حیاتنده برعقد ایله ترکه و ورثه سنی تعیین بونلرك حصه محفوظه لری وراثته عدم اهلیت وراثتدن فراغت وراثت حجتی ، ترکه نك بیع و فروختی برسلسله و انتظام دائره سنده برر برر توضیح و تصریح ایدلمشر .

آلمان قانون مدیسنه کوره وراثتک صرهمی

آلمان حقوقه کوره وراثتده صرهمه متوفایه مناسبت و قربیت اعتباریه وفات دولایسیله حصوله کلن بوشلنی ازاله ایدهبیله جک یقین اقربادر . روما حقوقنده متوفانک حال حیاتنده بعدالوفات قاله بیله جک اموالی اوزرنده دیله دیکی کبی تصرف ایدهبیلمک حق طائمش اولدینی حالد آلمان حقوقنده مورثه بوقدر واسع صلاحیت طائمشدر .

قانونک تعیین ایتدیکی وراثت صرهمسک نظر دفته آلمسی ایچون ؛

اولا مورثک مالنک تمامی ویا بر قسمی مابعدالموته مضاف قیله رق بر شخصه تملیک صورتیله عقد توریتده بولنماش اولسی

ثانیاً بویله بر عقدله بر شخصک توریت ایدلمش اولدینی حالد عقد وراثتک باطل اولسی .

ثالثاً توریتک صحته رغماً مورثدن اول توریت ایدیلن شخصک وفات ایتمش بولنسی

رابعاً توریت قارشو واقع اولان اعتراض اوزرینه فسخ وابطالنه دائر قرار صادر اولسی

خامساً مورث صحیح برشکلده توریتدن رجوع ایتمش بولنسی

سادساً توریت ایدیلن شخصک ترکینی رد ایتنسی

سابعاً ترکیه نائل اولهمیه جق برشکلده توریت ایدیلن شخصک عدم لیاقتی

ثامناً جمعیتلر حقنده کی قانون مدینک ۸۶ و ۸۷ نجی ماده سنه توفیقاً حکومتک مساعدده سی

لاحق اولماش بولنسی لازمدر .

ترکدنک کشاننده قانوناً وارث اوله بیلن کیمسه لر وراثته مستحق اولورلر . بناءً علیه

ترکدنک کشادی آننده ورثه دن بعضیلری عدم اهلیت ویا رد صورتیله ترکیه اشتراک

ایده مدکلری تقدیرده اونلرک مقامنه قائم اوله بیله جک کیمسه لر وارث درلر .

آلمان قانون مدیسنه کوره وراثتده اک اول نظر دفته آلمان قان مناسبتی در .

بناءً علیه اک اول قرابت نسبه بعده نکاح واک صکره متوفانک تابعیتی نظر دفته آلمیر .

قرابتده یالکز نسباً اقربا نظر دفته آلمیر .

بناءً علیه اولاد غیر مشروع یالکز انا جهتندن اقربادر . اولاد غیر مشروعنه ک

باباسی و باباسنک اقرباسیله وراثت جهتندن برکونا رابطه و مناسبتی بوقدر قانون مدینک

۱۵۸۹ نجی ماده سنک ۲ نجی فقره سنه کوره غیر مشروع چوجق پدرینه نظراً اقربادن

معدود دکلدرد .

باطل برنكاحدن تولدايدن چوجقلىر اشبونكاح سجل مخصوصنه قيد ايدلمش بولنديغى
وزوجين دن برى نكاحك عقدى صرہ سنده بطلان اسبابنه واقف اولماديغى حالده وراشته
نائل اولورلر ماده ۱۶۹۹

مشروع اوله رق قبول ايديلن اولاد طبعيه وبونلرك اولادى اولاد مشروع كى ميراثه
نائل اولورلر .

اولاد طبعيه نك طلي اوزرينه محكمه قراريله مشروعيتيه حكم ايدلمش اولديغى تقديرده
قربايت آنجق مشروع اوله رق قبول ايديلن ولد ايله بابا اره سنده وراثت تحقق ايدر فقط
بابانك اقرباسيله قربايت حاصل اولماديغى ايجون چوجق آنلرك ميراثه نائل اوله ماز .
تبى ده چوجقى اولادلى اوله رق كيمسه نك چوجق اموالى اوزرنده حق وراثتى
يوقسه ده ولدك متبى نك اموالى اوزرنده حق وراثتى موجوددر .
روما قانونه كوره وراثته درجه

اولا متوفانك فروعى

ثانياً متوفانك اصولى لابوين قاردهش وبونلردن وفات ايدنلرك مقامنه قائم اولان
چوجقلىرى

ثالثاً لاب ويا لام قاردهش وبونلردن وفات ايدنلرك مقامنه قائم اولان چوجقلىرى
رابعاً متوفانك قربيت اعتباريله سائر فروعى وارثلى در .

فرانسز قانون مدنيسته كوره وراثته درجه

اولا متوفانك فروعى

ثانياً متوفانك ابوينى قاردهشى وبونلرك فروعى [امتيازلى اصول وفروع]

ثالثاً متوفانك امتيازسز اصولى وبونلرك مقامنه قائم اولان فروعدن غيرى اصولى
رابعاً متوفانك اصولدن كيمسه سى واينجى درجه قردهشى ويا بونلرك فروعى اولماديغى
تقديرده جد وجده سنك ۱۲ نجى درجه يه قدر اولان سائر فروعيدر .

المان قانون مدنيسى Parentel اصولنى قبول ايتمشدر .


اشبو اصوله كوره متوفايه قربيت اعتباريله برنجى درجه ده يقين اولان اقربا موجود
اولدجى ايكنجى درجه ده كى اقربا ميراثه نائل اوله ماز . وبرنجى درجه ده كى اقربا وفات
ايتمش ويا ميراثه عدم لياقتى دولاييسيله ميراندن محروم بولمش ويا تركه يى رد ايتمش بوانورسه
اينجى درجه ده كى اقربا ميراثه نائل اولور .

برنجی درجه اصحاب میراث :

متوفانك برنجی درجه ده نائل میراث اقرباسی فروعی در .

ترکه نك کشادنده حال حیاته بولنان فرع کنديسیله متوفایه اتصال پیدا ایدن فرع فرعی اسقاط ایلر و بالعکس اشبو فرع وفات ایتمش بولنورسه کنديسیله متوفایه اتصال پیدا ایدن فروع آنك مقامه قائم اولور .

چوجقار هربری مساوی سهامه مالک اولور . وفات ایتمش فرع فرعی متوفانك حال حیاته بولندیغی حالده نائل اوله بیله جکی حصه یی تقسیم ایدرلرکه بوکا تمثیل حق تعیر اولور .



ایکنجی درجه اصحاب میراث :


ایکنجی درجه ده متوفانك نائل میراث اقرباسی ابوی و بولنك فروعی در .

وفات تارینخنده بابا و اناسندن هر ایکسی ده حال حیاته اولدیغی تقدیرده برنجی درجه ده کی اقربا اولمادیغی تقدیرده مساوی صورتده ترکه یی آره لرنده تقسیم ایدرلر . بناء علیه متوفانك قارده شلری ابوی طرفدن اسقاط اولور .


مع مافیه پدر و یا والدهدن بری وفات ایتمش بولنورسه مقامه آنك فروعی بالاده کی شکل دائره سنده قائم اولور . بناء علیه بابا و انادن هر ایکسی وفات ایتمش بولنورسه لابوین قارده شی هر ایکسندن حصه آدقلری حالده لاب و یا لام قارده شی آنجق متوفایله اتصالی اولان بابا و یا انادن حصه آلیر .

متوفا بابا و یا آنانك فروعی بولمادیغی تقدیرده حال حیاته بولنان دیگر بابا و یا آنا تکمیل ترکه یی آلیر .


متوفاتك ابوينى وفات ايتىش بولنوب يالكىز لايون قاردهشى اولورسه آره لرنده تركه
تقسيم اولنور . اكر لايون قاردهشى ايله لاي ويا لام قاردهشى بولنورسه نصف تركه ي
لايون قاردهشلا آله جنى كې نصف باقى ي لاي ولام قاردهشلا قسيمي ايدرلر . يالكىز
لاي ويا لام قاردهش اولدېنى حالده بولنر جميع تركه ي آير .
اولاد طيعه نك وراثتى يالكىز والده سنه و بونك فروغه انتقال ايدر . باباسيله قرابت
حاصل ايتىز .



مسئله : ۲




مسئله : ۳




دردنجى مسئله نك [*] حلى بابا فوت اولدېنى ايچون نصف حصه سى لايون ايبي فروعى
آره سنده $\frac{1}{2}$ نسبتده تقسيم اولنور . يعنى بتون ميراثك درنده برر حصه سى برر كره
[*] ب مسئله نك حلى ۱۰۴۷ نجي صحيفه ده در .


لابوین قارده شلردن بهری $\frac{1}{2} + \frac{1}{6} = \frac{2}{3}$ لام قاردهش $\frac{1}{3}$ مسئله : ۴



لابوین قارده شلر آلیر بر کرده والدهنک نصف حصه سنی ده ایکی لابیون و بر لام قاردهش تقسیم ایدر لر که بوضویرتله لابیون قارده شلرک حصه سی بتون میراثک $\frac{1}{6}$ نسبتنده آرتار. توجید خرج قاعده سنه توفیقاً بتون حسابلری تقسیم ایده جک اولور سهق شو صورتله میراث تقسیم اولور. مسئله : ۵



بشنجی مسئله نک حلی : متوفانک ابوینندن هر ایکسی ده وفات ایده جک اولور سه قاردهشی موجود اولدیغندن جدیدنه میراث انتقال ایتمز. مسئله : ۶




آلتنجی مسئله نک حلی : متوفانک ابوینندن اول بابا فوت اولمش و بونک فروعی اولمادینی ایچون تکمیل ترکیه والدهیه انتقال ایلر.

بزده اولدینی وجهله نکاح رابطه سنک بک قوی اولمامسندن نشئت ایتمشدر . پره تور حقوقنه کوره آلتنجی و قسماً یدنجی درجه ده کی اقربا زوج و زوجیه یی حجب ایده بیلوردی . آلمان حقوق قدیمه سی فروع ایله اجتماع ایدن زوج و زوجیه چوجقلرک حصه سندن فضله اولماق شرطیله برربع بابا و آنا قاردهش و چوجقلریله اجتماعی حالده برثلک و بوندن اوزاق آلتنجی درجه ده کی اقربا ایله اجتماعی تقدیرنده میراثک نصفی ویرردی و بوندن ماعدا خانه مشترکده برلکده قوللاندقلری یتاق ماصه موبیله و مطبخ طاقنی ده ضم میراث اوله رق بروجه ملکیت بخش ایدردی .


آلمان قانون مدنیسنک احکام حاضره سنه کوره زوج ویا زوجهدن حیاته بولنان برنجی درجه ده کی فروع ایله اجتماع ایتدقلری تقدیرده برربع ؛ بابا و آنا و بونلرک فرعی وجد و جدده ایله اجتماع حالده نصف میراثه نائل اولور . جد و جددهن هر هانکی بری فوت اولدینی تقدیرده اوکا اصابت ایده جک ربع حصه یی ده اخذ ایده رک حصه سی $\frac{3}{4}$ اوج ربعه قدر چیقار جد و جدده وفات ایتمش بولنورسه تکمیل میراثه زوج و زوجیه نائل اولور . زوجیندن حیاته قالان ایکنجی درجه ده کی بابا و آنا و فروعی وجد و جدده ایله اجتماعی تقدیرنده زوج و زوجهنک برلکده یشادقلری صوک زمانده خانه زوجیتده مشترکاً قوللا . ندقلری خانه اشیاسنی ضم میراث اوله رق حیاته قالان زوج و زوجیه ویریلیر . هانکی اشیانک مشترکاً قوللانیلان اشیا اولدینی عرفاً تعیین اولنور . حیاته قالان کیمسه نک شخصاً متصرف اولدینی اشیا ضم میراث اوله ماز .

مثال


مسئله ۱ زوج وفات ایتمش فروع وار زوجیه آنجق بر ربع میراثه نائل اولور . اولادلردن بر حیات اولان باقینک نصفی البر و نصف دیکری ده وفات ایدن کیمسه نک چوجقلری آره سنده تقسیم اولنور .



مسئله ۲ متوفانك زوجه سی برنجی درجه ده اصحاب میراثن كیمسه ایله اجتماع ایتدیکی ایچون نصف میراث ایله برلکده ضم میراثه نائل اولور . باقی بابا و آناسی و بونلرك فروعی آرسنده تقسیم اولور .



مسئله ۳ زوجه یالکز متوفانك باباسنك باباسیله اجتماع ایتدیکی ایچون دیگر اوچ جد و جدیه عاقد میراثی ده آلیر و حصه سی میراثك $\frac{7}{8}$ سی اولور . بالطبع ضم میراث آیریدره .



مسئله ۴ متوفانك زوجه بابا و آناسی فوت اولوب بونلرك جد و جدیه لرندن بعضلری بریات اولدقلری حالده زوجه نك بروجیه زوجیت حصه سی نصف در . بابا و آنانك هر برینك ابوینه تقسیم اولنق اوزره بتون تركنك نصف باقیسی بهرینه $\frac{1}{8}$ اوله رق ویریلیر . بابا طرفنك ابویندن یعنی جد صاغ اولوب جدیه وفات ایتیش و فقط فروعی اولمادینی حالده جدیه نك حصه سی ده جد آلیر و شو حالده تركنك $\frac{2}{8}$ بابانك باباسنه قالیر . آنا طرفنك ابوینی وفات ایتیش و بونلرك فروعی ده وفات ایتیش اولوبده اشبو فرعك ایکی اولادی قالسه بونلردن بری متوفانك زوجه سی و دیگرده زوجه نك قارده شی اولسه زوجه جدك فروعی اسقاط ایدیه جکندن آنی میراثن محروم ایدیه رك متوفانك آناسی

Diagram illustrating the inheritance of the *Foot* trait (فوت) across three generations:

- Generation I:** A male (square) and a female (circle) are shown. The female is labeled "فوت $\frac{1}{8}$ ".
- Generation II:**
 - The first couple has a son labeled "فوت $\frac{1}{8}$ ".
 - The second couple has a son labeled "فوت $\frac{1}{8}$ ".
 - The third couple has a son labeled "فوت $\frac{1}{8}$ ".
- Generation III:**
 - The first couple (from Gen II) has a son labeled "فوت".
 - The second couple (from Gen II) has a son labeled "فوت".
 - The third couple (from Gen II) has a son labeled "فوت".
- Generation IV:**
 - The first couple (from Gen III) has a son labeled "زوج فوت".
 - The second couple (from Gen III) has a son labeled "زوجہ".
 - The third couple (from Gen III) has a son labeled "ضم میراث $\frac{6}{8}$ ".

آردلرنده اساساً اشتراك اموال قانونه توقیقا نکاح مقاوله سی عقد اولمش ایسه اموال زوجیه مشترک اولدینی ایچون زوجیندن برینک وفاتیه اموال مشترکه زوجیه دن اشبوترکویه عائد دیون ادا ایدلدکن صکره هرایکیسنک مشترک فراشلرندن حاصل اولمش اولادلری اولمادیغی تقدیرده باقینک برنصفی برحیات قالان زوجیه ویریلیر ونصف دیکری زوجیه داخل اولمق اوزره ورثه آرمسندہ تقسیم ایدلمک اوزره ترکویه قالیر .

آلمان قانونىك قويمش اولدينى اك بيوك قاعده زوجىندن برىنىك وفاتيله عائلهنىك
مشرىك يوواسىنى طاغتماق اساسى اولمشدر . زوجىنه برىرلى قدر يقىن اولان اولاد

موجود اولدجه زوج ویا زوجیه ترکیبی تقسیم حق ویرمک امکانی بخش ایدیه جک اولورسه اکثریتله چوجقملرک وبعضاً زوجهنک باشلو باشلرینه برخانه تأسیس ایده بیله جک وضعیتده بولناملری دولایسیله پریشانیلرینه سببیت ویرلمش اولور .

بوتهدکه منسلب اولور ویا برحیات قالان بابا ویا آنانک اموال مشترکده قارشو خیاتی آکلاشیلیرسه هر زمان چوجقملرک حصه لرینی تأمین ایتمک حق تأمین اولنه بیلیر .

برده آلمان قانون مدینسی بالطبع وفات تاریخده نکاحلی اوله رق برحیات قالان زوج ویا زوجیه حق میراث طانیشدر ، بناء علیه حین وفاتده

اولا آره لرنده حکم حاکم ایله نکاحی فسخ اولنان

ثانیاً قانون مدینک ۱۵۷۵ نجی ماده موجبجه حیات مشترکه زوجیتک الغاسنه

قرار ویرلن ؛

ثالثاً آره لرنده کی نکاح باقی ایکن مفقودیت دولایسیله ایکنجی برنکاح عقد ایتمش اولان

رابعاً نکاحلری باطل اولان

خامساً نکاحلری قابل فسخ اولسی دولایسیله فسخ ضمننده محکمه یه مراجعت

ایدیلان کیسه لرک یکدیگرینه توارثی جائز دکلدر .

آلمان قانون مدینسک میرانده تعیین ایلدیکی احکام اسویچره قانوننک وضع ایلدیکی

احکامله تطبیق ایدیلیرسه ایکی بیوک نقطه ده یکدیگرندن آیرلدیغی کوریلور .

برنجی جرت

آلمان قانون مدینسنده متوفانک اوچنجی درجه ده کی اصولی یعنی کندی ابویننک

جد و جده سی [متوفانک جد و جده سنک بابا و آنالری] و بونلرک فروعی میراثه نائل اولور .

اسویچره قانون مدینسنده متوفانک اوچنجی درجه ده کی اصولی حیاتده ایسه بونلره

متوفانک اموالک حصه معینه سنک حق انتفاعی ویرلمشدر . بوجه ملکیت اموال ویرلماش .

بالکز حال حیاتده بولندقلری مدتجه متوفانک اموالک معین سهمندن دیلدیکی کبی انتفاع

ایتمک حق ویرلمشدر .

ایکنجی جرت

متوفانک زوج ویا زوجهنک آلمان قانون مدینسنه کوره اموال متروکده آنجق

قطعی برحق وراثتی موجوددر . برنجی درجده کی فروع ایله اجتماع ایدرسه ربع ایکنجی درجده کی بابا و آنا و بونلرک فروعی وجد و جد ایله اجتماع ایدرسه نصف آلیر .

اسویچره قانون مدینسه کوره برحیات قالان زوج و یا زوجہ برنجی درجده نائل میراث اقربا یعنی فروع ایله اجتماع ایتدیکی تقدیرده دیلرسه مجموع ترکدنک نصفی بروجہ انتفاع آلیر و دیلرسه بروجہ ملکیت برربع حصہ نائل اولور .

اسویچره قانون مدینسنک بو جهتدن ایکی بیوک محذوری واردر . برنجی محذور : زوج و زوجہ حیاتده اولدینی مدتجه اولادلی برربع حصہ حقده کی حق تصرفلرندن منع ایتدیکی کبی بابا و آنایی سنلری دولایسیله اموال متروکه اوزرنده تصرفدن منع ایده جکدر . چونکه متوفانک زوجہ سی و یا وفات ایدن زوجہ ایسه زوجی ؛ بالطبع متوفانک بابا و آناسندن برنسل کنج اوله جنی جهتله حیات طبعیه نقطه نظرندن ابوننک چوجققرینک زوج و یا زوجہ سندن صکره یه قالملی احتمالی پک مستبعد دکدر . شو تقدیره کوره متوفانک بابا و آناسنه طانیلان حصه لر اوزرنده زوج و یا زوجہ نک حق انتفاعلری دولایسیله حق تصرفک استعمالنه امکان متصور دکدر . بابا و آنانک ترکدن بالتجہ استفاده ایده ماملری ایسه پک بیوک محاذیری موجب اوله بیلیر .

ایکنجی محذور ترکه اوزرنده حق انتفاعی اولان زوجہ و زوجہ نک امواله صورت تصرفلرندن و اموالک جنس و نوعندن دولایی اختلافانک هیچ آردی آره سی اکسیک اولماز . بالخاصه زده قضالره آکا مربوط اولان کویلر آره سنده کی مسافه لر اللی کیلو متره یه یا قلاشمقده و یوللر قیش موسمنده تماماً قیالی قالمقده اولدیغندن ترکه دفترینک تنظیمی اوزون مدت کچیکیر و بوضورتله ترکدنک نهدن عبارت اولدینی حقده کی اختلافلرده محکمه لره تحمل فرسا بیوک بردرد آچار .

قناعتمزجه آلمان قانون مدینسنک وراثت حقده کی پک درین برتبع محصولی و عینی زمانده سهل التطبيق بولنان احکامی اسویچره قانوننک پک نظری اولان احکامنه برچوق جهتلرندن فائقدرد .

اقتصادیات نقطه نظرندن بابا و آنا اوغل و جدک بروجہ ملکیت مالک اولدقلى اموال اوزرنده اسباب تملکدن برصورتله تصرف ایده ماملری عادتاً اموال مذکورہ یه

توسیع انتقال قانونک نشرندن اول بزده کی اموال غیر منقولہ نک حال و وضعیہ القا
ایده جکدر . اموال غیر منقولہ همان همان مجبوری باقسزلق یوزندن خراب اولوب کیده جکدر .
قناعتمزجه اسویجره قانون مدینسک جد وجده زوج و زوجہ نک حق انتفاعندن
باحث اولان احکامی آلمان قانون مدینسک بوقیل اقربایه عائد احکامی دائرہ سنده تعدیل
ایدلک صورتیلہ قانون مدنیزه ادخال ایدلملیدر .

تطبیقات جزائیہ مدرسی و سابق آوروپا

حقوق مدنیہ سی معلمی

مہودت فریم

